



Vesta viers la Surselva culla spunda da Ransun e la galleria nova en construcziun.

FOTOS AUGUSTIN BEELI

Ina controlla che nuot e negin sa remplazzar

La midada dil clima ei ina sfida per las viasfier. Dus responsabels dalla Viafier Retica han presentau ad ina grupp da schurnalists da trens las mesiras che l'interpresa pren per schurmegiar lingias ed infrastruttura. Ella Ruinalta dat ei plirs loghens da prighel, per exempel la sbuccada digl ual dalla Val da Carrera el Rein e la spunda da Ransun.

AUGUSTIN BEELI/FMR

«Nus vegnin buca schanegiai da sfidas cuntinuadas, buca mo ella horizontala, mobein era ella verticala», ha Gilbert Zimmermann confidau alla participonta ed als participonts dil viadi. Las viasfier che circuleschan ellas muntognas ein pertuccadas pli e pli da prighels dalla natira. Mesjamna sera ha il menader dils caulngias dalla Viafier Retica (VR) beneventau a Glion ina grupp dall'associaziun «Bahnjournalisten Schweiz». Gl'empren en ina sala dil hotel Eden e silsunter el carr da conferenzas InnoTren denter Glion e Trin Staziun ha Gilbert Zimmermann presentau alla grupp dus loghens da prighel ella Ruinalta.

Senza intelligenza artificia

1903, suenter l'avertura dalla lingia tras la Ruinalta, ei la VR vegnida confrontada 1927 l'empresa gada cun ina aua gr o 1986 ha denton fatg nuot», ha Gilbert Zimmermann raquintau. Persuenter gl'urezi digl uost 2017. Ina tempiastra anetga sur la Cadeina dil Signina haveva catschau a val denter 20 000 e 40 000 m³ material. Gl'inschignier dalla VR ha presentau ils quitaus ch'igl ual dalla Val da Carrera caschuna. Mesiras cuntinuadas cun apparats, sensors ed antennas da surveglanza ein necessarias per avertir e schurmegiar la lingia dil tren tras la Ruinalta. Gilbert Zimmermann ha mussau in film i impressiunont d'in tal eveniment. «Grazia a quei niev sistem d'alarmaziun sperein nus che negins trens mondien pli en ina bova», ha Zimmermann declarau. Alla fin ha el tuttina manegiau: «L'intelligenza artificia ha en quella lavur da controlla negina schanza. La lingia dalla Ruinalta st ntelligenza humana, numnadamein il caulngia e sia squadra, controllar vinavon ad egl.»

Gilbert Zimmermann ha presentau la cavorgia cun ses prighels als participonts d'in viadi per gliud dallas medias sespecialisada el traffic public che rapporta regularmein da trens e lingias da viafier. Duront lur viadi da studi da dus gis ein els sefatschentai cu llas consequenzas dalla midada dil clima e dils prighels dalla natira ellas regiuns muntagnardas.

Galleria nova da 295 meters

«La natira ei ina sfida permanenta per nus», ha Gilbert Zimmermann concludiu. Urezis anetgs, calira e scheladas, lavinas, vents burasclus, curdada da crappa e bovas occupan pli e pli l'interpresa. Ils 15 schurnalists dall'entira Svizra e digl exteriur han seschau informar era dalla galleria che la VR baghegia actualmein al pei dalla spunda da Ransun.



Cheu scarga il mischeidabetun il material ella vanaun dalla pendiculara. Vesta viers Cuera.



Da Glion a Trin ei la grupp viaggiada el carr special da conferenzas InnoTren.

Denter la staziun da Versomi e quella da Trin dat ei tochen primavera 2025 ina galleria nova da 295 meters lunghezia. Gl'inschignier Markus Kunz ha presentau quella. Sco el ha declarau eis ei ina mesira da schurmegiar la lingia da viafier da crappa che sesligia pli e pli. Per schurmegiar la galleria nova ston ins construir meter per meter gl'implont e lu emplenir il dies ed il treg da quel. En tut drovien ins rodond 15 000 meters cubics material d'emplenir, ha Markus Kunz explicau.

Cun referats, uatgas, blocs d'informaziun e schizun in sgol da survesta ord il helicopter ei ils schurnalists svizzers viagai tras vals e valladas dils cantuns Berna, Valleis, Uri e Grischun. Els han empriu d'enconuscher di spositivs da prighels e mesiras da segirtad. Pervia dalla midada dil clima ein las quater societads BLS, MGB, la Viafier Federala e la Viafier Retica occupadas pli e pli stedi cun malauras e situaziuns criticas.

Pendiculara sur la cavorgia

En connex cul project denter las staziuns da Versomi e Trin ha Markus Kunz puntau che la cavorgia dalla Ruinalta seigi specialmein sensibla, buca mo pertucconts prighels dalla natira. «Quella cuntrada ei in monument da muntada naziunala cul pli ault status da schurmetg. Per quei havein nus era duvrau ina lubientscha speciala dalla Cumissiun federala pil schurmetg dalla patria e dalla natira.»

Per transportar vitier il betun ch'ei drova per construir la galleria han ins installau ina pendiculara sur la val. Datier dils tunnels dil Spitg, orasum la Val da Versomi, san ils mischeidabetuns carrar ella staziun da transcargar. Da leu traversa la vanaun vid la suga cuntinuadamein sur la cavorgia. Apparentamein vegn la pendiculara puspei demontada suenter che la galleria ei finida.

SAN GOTTARDO



Il program da svilup San Gottardo envida ad in luvratori cultural.

GRAFICA MAD

Alla tscherca da tgaus creativs

Il program da svilup San Gottardo che cumpeggia las regiuns entuorn il Pass dil Gotthard vesa grond potenzial creativ e cultural en siu intsches. Gest per quei motiv envida San Gottardo ad in luvratori cultural. Leu vul el promover novas ideas e visiuns culturalas ed iniziar novs models da fatschenta. El center stattan las stentas da producir, elavurar e vender purschidas culturalas che portan plivalur ed innovaziun ellas regiuns entuorn il Pass dil Gotthard. Separticipar al luvratori san tut ils tgaus innovativs, ton laics sco experts ch'ei dacasa en diversas spartas dalla economia creativa, sco quei che San Gottardo scriva en ina communicaziun. Las participontas ed ils participonts dil luvratori rescheivan sustegn per elavurar e svilupper lur ideas. E la megliera idea rescheiva in sustegn da 5000 francs sco daner da partenza. Ina emprema sentupada dils tgaus creativs dalla Surselva, dil Goms, da Bellinzona e dil cantun Uri ei planisada ils 11 da november 2023 ad Andermatt. Annunziat ed ideas per il luvratori creativ pren San Gottardo encounter via l'argna pagina d'internet entochen ils 31 d'october 2023. (cdm/fmr)

VERSOMI



Igl ensemble z concertescha ella baselgia da Versomi.

FOTO MAD

Concert en baselgia

Sonda, ils 23 da settember 2023 concertescha igl ensemble z ella baselgia da Versomi. Igl ensemble secumpona dalla flautista Ursina Brun, dalla violinista Muriel Schweizer, dil ghitarist Robert Grossmann e dil cellist Adrian Müller. Els sefatschantan cun cumposiziuns da Ludwig van Beethoven e Franz Schubert. Il concert entscheiva allas 17.00 cun entrada libra e collecta.

reclama

FLEXO
Innovative Handlauf-Systeme

10% Rabatt gegen Abgabe Inserat

Treppengeländer Innen/Aussen

☎ 081 599 50 65
www.graubuenden.flexo-handlauf.ch